



# ITLF BULLETIN

Issue No 35  
04 November 2023

## MEITEI COMMANDO OPERATION ZIAK IN MOREH BUAI

**A** paisa 31st October 2023 ni a meltheihloun ten Meitei Police officer Chingtham Anand Kumar, SDPO a kaplup uh toh kisai in Moreh dinmun nawngkai mahmah hi. Meitei government in hiai thiltung lemtang a la in Moreh kim leh kiang buaina bawl uhi. Union Home Minister Amit Shah in Manipur hong phak lai in Moreh akipan state force te lakhe di chimah leh tu nitan a thugen tangtung nailou a, Meitei CM Biren Singh in phaze sa in Moreh luahkikna di leh Kuki-Zo tate hih gentheihna ding in zang hi.

Tu ma a Chingphei a SI Onkhomang Haokip sniper in a kaplup lai in Government in zangna dopna in a sungkuante lakh 10 chiam mah le uh tutan sum bangmah mu nailou uhi. Huchi ahiah lai in Biren in tutung a Meitei si pa dangka lakh 50 piak di chiam a, Meitei leh singtangmi luangman kibatlouhdan muhtheih in om hi.

Meitei Police thattu zonna in operation bawl in om pah ngal a, zingkal dak 11 vel in Chikim khua a Wall of Remembrance kilam ban lai haltum in om ngal hi, sit in protest a tu numeite hawlzak in om a, operation a bawl na uah insung a um leh bel suksiatsak in om hi. Meitei commando ten Moreh zuan dia a pai kawm un Sinam khua ah inn 4 haltum ua, car 2 leh two wheelers 2 haltum uhi. Tua ban ah insung a sum omte guksak ua, gam lai poimohte le laksak uhi. Meitei commando te gamtatna et in tualthattu zon sawm hilou ua Kuki-Zo te tung a khut kha ut ahiah dan uh kichian mahmah hi.

01 November 2023 zingkal baihtak in Assam Rifle toh kithuah in Meitei commando ten Phaicham leh Gamnom veng operation bawl ua mi 12 mat in om uhi. Mat a omte lak a Gamnom Village Authority

Chairman le mat in om a, a in ua naupang kimawl na binoculars toys a om ziak a mat hi dan in gen uhi. Mat a omte lak a vualphalou Luncha Haokip le tel dan in thutut kimu hi. Dakkal 12 hentang ahiah nung un mat a omte nitaklam in khahkhiak in om uhi.

Mit a mute gendan in Assam Rifles ten Meitei commando te Moreh lutsak ua, operation bawl sak uhi. Tu ma a ITLF heutute toh Amit Shah kihouna ah Meitei State forces te amau kia a gamtanglou ding ua, Central force te etkaina nuai a sem ding uh chih himahleh, tutung Moreh thiltung ah Meitei Commando te gamtatna etzui leh etkai hilou ahiah man in, ITLF heutute toh Home Minister kithukimna zuih hilou hi.

Meitei commando te operation bawl huham mahmah ahiah ziak in numei naupang hita leh khosung pasalte gamlak a kihem khia uhi. Operation bawl chih paulam in insung a vante leh gari susia ua, sum leh gou manpha tammtak Meitei commando ten gu uhi. 02 November 2023 in numei naupangte khosung a giak ngamlou in sepaih camp pang bel in giak uhi. Zan 03 November 2023 in bel bangmah buaina thupi lua zak di omta dihluou phot hi.



## Certificate halsia

Video viral kimu dan in **Sintha Lourembam** kichi in student te certificate tampi hal hi. Thil omdan ahieh leh buai nung a eimi ten inn a taisante ua kipan document poimoh tuamtuam marksheet, certificates tamkhop tomkhawm in mei a haltum hi.

Hiai video viral muh ahieh toh kiton in certficate hal pa mi hihna zonkhiak hi a, amin ahieh leh Sintha Lourembam hi a, IndiGo ground staff a sem hi dan a theih ahi. Huai phet in tweeter warrior ten tweet pah ua IndiGo theih sak pah ua, IndiGo in le action la ding ahieh dan dawwna pepah uhi. Khonung in IndiGo a sem nawnlou ahieh dan theihthak ahi.

Hiai certificate te mimal a himahleh government prooperty leng ahi a, ngaihkhawh huai mahmah hi. Tua ban ah non-tribal khat in tribal document a halsiat pen National Commission for Schedule Tribes kiang a *SC and ST Prevention of Atrocities Act 1989* nuai a hek ding in hoih hi. Huchi ahieh man in hiai pa tung a FIR case bawl theitheih in bawl a hoih ding hi.



## Sintangmi MLA 10 in Moreh vai a thusuah bawl

November 2, 2023 ni in Kuki-Zo MLA 10 te akipan joint statement bawl in om hi. Amau in thu a suahna ua Tengenoupal district a Kuki-Zo tate tung a Manipur State Commando te gamtatna huaise tak mohpaihna sangtak pia uhi.

October 31, 2023 ni a Ch. Anand Kumar, SDPO sihna poi himahleh amah thattu zonkhiakna dia Meitei Commando ten Kuki-Zo mimal inn, van neihte susia a sum leh pai guksak a, mipi nautang patausak a thau a khah uh dik a saklough dan uh taklang uhi.

Sintangmi area a Meitei commando te lutsaklough ding adeih thu uh platform tuamtuam gen khin mah le uh lutsak teitei a om ahieh dan gen ua, a kinthei pen a Kuki-Zo area a Meitei commando te la khia a neutral force koih ding Ministry of Home Affairs kiang ah ngetna bawl uhi.

## Zo United in mipi kiang a ngetna bawl

Zo United executive emergency meeting November 1, 2023 ni a neih ahieh dungzui in, tutung Tengenoupal District a bik a Moreh kho sung a Meiteite gamtatna ziak a i mi leh sa tamtak haksatna tuakte panpihna piak ding in lemsakna nei uhi. Hiai dungzui in Zo United in philanthropic organisation tuamtuam kiang a ngetna bawl a, mahni nam sung chiat a Tengenoupal a di panpihna dong a, tarik 5 November 2023 tan a pekhwam ding in thu suah hi. Hiai toh kiton in philanthropic organisation tuamtuam in bohzi pah ua, amau nam sung chiat ah thusuah bawl uhi.

## Kuki Inpi Tengenoupal in Amit Shah kiang a lai khak

November 3, 2023 ni in Kuki Inpi Tengenoupal (KIT) Media & Publicity akipan thusuah kimu dan in Union Home Minister Amit Shah kiang ah Meitei Commando leh Arambai Tenggol te Moreh a Kuki-Zo tate tung ah mulkimhuaitak a gamtatna uh mohpaihna leh a lungkimlough thu uh tut uhi. Combing operation paulam a mi nautang patausak a, inn, van leh gari halsak ua, sum leh pai leh gou manpha tamtak guksak a om ahieh dan taklang ua, hichi bang kibawlsiatna beina dia separate administration mah poimoh ahieh dan gen uhi.

## ITLF Relief & Medical department kiang ah panpihna bangzah hiam lut

Frontline a duty te nek di antang giatau tak a ki-omlai in tung lam akipan vualzawlma mu in ITLF Relief & Medical department kiang ah panpihna bangzah hiam hong lut hi.

**Reformed Presbyterian Church (NEI)** akipan in Dal 3 bags, Salt 3 bags, Cooking oil 20 boxes, Surf 1 bag, Soya 15 boxes, Mosquito Net 45 pieces, Rice 3 bags leh Sugar 2 bags mu ua, **Rural Women Upliftment Society (RWUS)** akipan in Rice 25 bags, leh **Wesleyan Methodist Church of East India** akipan in Rice 12 bags mu uhi. Tua ban ah **Jayson Victor** akipan blanket 270 mu uhi.

Kalnawn sung a frontline-te nek di antang bag tampi samlai ahihman in Relief & Medical department heutute khuak sa mahmah in, panpihna zong in kongkhak tuamtuum va kiu uhi.



## Meitei ten Thau gukhe nawn

November 1, 2023 nitak dak 6 vel in Meitei mi 700 vel in 1st MR, Imphal ah galvan tawi in va luh uhi. Amau ten DGP Pool Arm Kote leh Unit Pool Arm Kote a galvan kikoihte lakkiak sawm ua, security forces duty te toh dak 7:45 pm tan kinawktuah ua, CRPF mi 3 in liamna tuak uhi.

Amau ten galvan tamtak AK47, Insas, SLR, Tear gas leh thautang tamkhop la khia ua. Huai ban ah sepaihte gari bolero 1 leh Gypsy 6 leng laksak uhi.

## Shutdown leh Rally neih in om

November 2, 2023 ni in Moreh thubuui thu a Meitei commando-te gamtatna deihlouna leh Meitei Commando-te singtang gam akipan pawtsak di deihna in KSO-GHQ in Kuki-Zo omna district teng ah 48 hours shutdown puang uhi. Hiai shutdown student organisation teng in nunghthuapna bawl ua,

shutdown sung bangmah nawngkaina omlou hi.

Zan 3 November 2023 ni in Kuki Women Organisation for Human Rights makaihna in "Mass Rally Against Gross Violation of Human Rights" chih thulu zang in Leisang akipan Peace Ground tan rally neih in om hi.



## Frontline vehna nei

A paisa 31st Oct. 2023 ni in ITLF Defence/UTV makaihna in frontline mun nih Mualngat leh Laika vehna neih uhi. Hiai hun ah Delhi akipan Pu Thanghnun leh a lawinu Kim in frontline duty te deihsakna thilpiak voksa piakna leh hanthawna thuchah genna nei uhi. Heutupa Thanghnun te nupa in tutung i gam vengbittu volunteers te, kho ngak hausa leh mipite panlakdan thupi sa in kipahtu gen ua, kuapeuh deihsakna thil piak pe utvek mahle uh a hihtheihna un daihzou lou ahihman in a hihtheih sun uh tamloute semkhia uh ahihdan gen uhi.

Tua banah, Mualngat leh Laika khua hausa leh mess manager te'n hichi bang thilpiak manphatak a muhna tung uah kipak leh khamuanhuai a sak dan uh gen uhi. Tua banah, UTV makaite'n leng hichibang nasep thupitak tung ah kipahtu gen ua, maban ah leng mimal leh pawl khat peuh in donation khatpeuh piak theih gige ahihdan gen uhi.



# COMING SOON

IN PHOTO MATTE PAPER QUALITY

₹599  
ONLY



## #MANIPUR MAYHEM KEY PLAYERS & EVENTS

A BOOK BY INDIGENOUS TRIBAL LEADERS' FORUM (ITLF)

### FEATURES

THE TRIBAL NARRATIVES - STORIES FROM VICTIMS - DAILY INCIDENT REPORTS  
ARTICLES FROM GUEST WRITERS - POEMS - STATISTICS

UPDATED TILL 03 NOVEMBER 2023



**146**  
CONFIRMED DEATHS



**200**  
VILLAGES BURNED



**7000+**  
HOUSES BURNED



**360**  
CHURCHES BURNED



**41425**  
DISPLACED PERSONS



**204**  
RELIEF CAMPS

#### RELIEF SUPPORT

Office: ITLF Secretariat, Hiangtam Lamka

#### Contacts:

Mangcha Thangzom – 8837368373 (Convenor)

V. Gouthianmuan - 9862086583 (Co-Convenor)

#### FINANCIAL SUPPORT

#### ITLF Joint Bank Account:

Name: Henkhopao Haokip & N. Vialkhanthang

Account No: 41912626404

IFSC: SBIN0064016 | Bank: SBI Salbung Branch